



Bosna i Hercegovina
Federacija Bosne i Hercegovine
Srednjobosanski kanton/Kanton Središnja Bosna
Kantonalno tužilaštvo Srednjobosanskog
kantona/Kantonalno tužiteljstvo Središnja Bosna
Travnik

Broj: T06 0 KTK 0036433 25
Travnik, 01.06.2026.godine

OPĆINSKOM SUDU U TRAVNIKU

-Sudiji za prethodno saslušanje-

Na temelju odredbe člana 45. stav 2. tačka i) i člana 241. stav 1. Zakona o krivičnom postupku Federacije Bosne i Hercegovine, podižem

OPTUŽNICU

Potvrđena dana 08.06.2026. godine

Protiv:

D. P. (1973),

Što je:

1. U vremenskom periodu od 12.05.2023.godine do 07.06.2023.godine u Travniku kao službena osoba - pomoćnik načelnika Općine Travnik za ekonomsko-finansijske poslove u organu državne službe Općine Travnik raspoređen po Rješenju broj *** od 11.09.2009 godine Općine Travnik, postupio protivno članu 85. stav 1. i 2. tačka a) Pravilnika o unutrašnjoj organizaciji službi za upravu Općine Travnik, kojim je propisano da rukovodi službom, i odgovara za rad službe iz oblasti za koju je služba osnovana i za svoj rad odgovara načelniku Općine, te protivno odredbi člana 5. Uputstva o blagajničkom poslovanju Općine Travnik broj:**** od 26.09.2018 godine gdje propisano da uplatnice potpisuje pomoćnik načelnika Općine Travnik za ekonomsko-finansijske poslove te se polog pazara putem tih uplatnica vrši na depozitni račun Općine Travnik otvoren kod ovlaštene organizacije a kao takve ovjerene uplatnice se provode kroz blagajnički izvještaj općine Travnik te iskoristio svoje službeno ovlaštenje nije obavio svoju službenu dužnost, jer je postupio protivno navedenoj odredbi člana 5. predmetnog Uputstva kao i člana 8. istog Uputstva kojim je propisano da blagajnički izvješta i ostalu popratnu dokumentaciju glavne blagajne

Adresa: Aleja Konzula b.b. 72270 Travnik, **Telefon:** 030 511 815, **Fax:** 030 595 005, **Elektronska pošta:** tuzilastvotr@bih.net.ba, **Web stranica:** <https://pravosudje.ba/vstvfo/B/103>

kontroliše i potpisuje pomoćnik načelnika za ekonomsko-finansijske poslove, te protivno i odredbi člana 8. Uredbe o uvjetima i načinu plaćanja gotovim novcem (službene novine FBiH broj 72/15 i 82/15) kojim je propisano da su poslovni subjekti dužni da gotov novac ostvaren obavljanjem registrovane djelatnosti evidentiraju u skladu sa propisima o računovodstvu i uplate istog radnog dana na svoj račun otvoren kod ovlaštene organizacije a najkasnije narednog radnog dana, te postupio protivno i odredbi člana 18. stav 4. Zakona o računovodstvu i reviziji u FBiH (službene novine FBiH 15/2021), svjestan da je dužan da se u dnevnik blagajne unose poslovne promjene koje nastaju po osnovu gotovine i drugih vrijednosti koje se vode u blagajni pravne osobe i da dnevnik blagajne zaključuje se na kraju svakog radnog dana i dostavlja se računovodstvu istog, a najkasnije narednog dana, a što je propisano i po odredbi člana 11. Pravilnika o evidentiranju, prikupljanju i naplati neoporezivih prihoda Općine Travnik broj: **** od 25.10.2022.godine, da se gotovinske uplate neporeznih prihoda od strane fizičkih lica omogućene su putem blagajne, da se naplaćena gotovina svakodnevno evidentira u blagajnički dnevnik i elektronski prenosi u glavnu knjigu, te da se naplaćena sredstva uplate na JRT trezora depozitni račun istog dana, a najkasnije naredni dan po prijemu istih, te protivno odredbi člana 4. Uputstva o blagajničkom poslovanju prikupljeni dnevni pazar za navedene dane nije predao ovlaštenom licu blagajne Općine, svjestan da je preuzeo gotov novac na dan 12.05.2023.godine u iznosu od 3.129,00 KM od H. A. za koji je ispunio nalog blagajni broj BL *** koji nije predao, i dana 07.06.2023.godine preuzeo novac u gotovini od H. A. u iznosu od 3.250,00 KM za koji je ispunio nalog blagajni broj BL. *** koji nije predao ovlaštenom licu blagajne Općine Travnik, a niti je evidentirao blagajnički dnevnik i prenio u glavnu knjigu trezora niti je uplatio na depozitni račun Općine Travnik isti dan niti naredni dan po prijemu navedenog gotovog novca koje naloge je potpisao i ovjerio pečatom Općine Travnik a što sve proizilazi iz analitičke kartice za period 01.01.2023 godine do 14.10.2023 godine Općine Travnik konto *** a koji je novac H. A. po uputama istog platio na ruke istom po osnovu Kupoprodajnog ugovora za stan OPU-lp **** od 02.02.2011.godine zaključen između Općine Travnik i H. A. u kancelariji Općine Travnik gdje isti radi, te gotovinski novac u iznosu od 6.379,00 KM zadržao za sebe s ciljem da sebi pribavi imovinsku korist da bi po otkrivanju istog od strane ovlaštenih službenih osoba Federalne uprave policije novac lično uplaćivao na račun Općine za H. A. na dan 16.10.2024 godine iznos od 720,00 KM, na dan 23.10.2024 godine iznos od 500,00 KM, na dan 28.10.2024 godine iznos od 1.000 KM i dana 06.11.2024 godine iznos od 1.900 KM i dana 07.11.2024 godine iznos od 600,00 KM na račun Općine Travnik na koji način je novac vratio po otkrivanju počinjenog krivičnog djela.

Dakle, kao službena osoba iskoristio svoje službeno ovlaštenje i nije obavio svoju službenu dužnost, pribavio sebi imovinsku korist i drugom nanio štetu.

2. Dana 04.08.2023.godine na području Općine Travnik, kao službena osoba pomoćnik načelnika Općine Travnik izradio lažnu javnu ispravu, svjestan da je ista lažna i da će se upotrijebiti kao prava i to - Brisovnu dozvolu na ime H.A. broj: **** od 04.08.2023.godine u koju je unio da je Hadžalić Adnan izmirio na dan 04.07.2023 godine cjelokupni dug za stan po Ugovoru broj: OPU-IP-***u iznosu od 32.926,60 KM (iznos kredita uvećan za kamatu) iako svjestan da je na račun općine je uplaćen iznos od 26.600,00 KM koji iznos je uplatio H.A. putem banke na račun općine Travnik, a da iznos od 6.379,00 KM nije uplaćen na račun općine Travnik nego je isti preuzeo novac u gotovini od H. A. i isti nije uplatio na račun općine Travnik kako bi služba za ekonomsko finansijske poslove rasknjižila dug na ime A. H., svjestan da dug i dalje postoji i da je predmetni novac protupravno zadržao za sebe, a sve s ciljem da se predmetna brisovna dozvola upotrijebi kao prava i preda Općinskom sudu u Travniku zemljišno- knjižnom uredu radi brisanja tereta u c listu poduloška KPU KO Travnik za stan u ulici **** Travnik u površini od 58 m² vlasništvo H. A..

Dakle, izradio lažnu javnu ispravu i istu upotrijebio kao pravu.

Čime je počinio krivična djela „Zloupotreba položaja ili ovlaštenja“ iz člana 383. stav 1. u vezi sa članom 55. KZ F BiH opisano pod tačkom 1. optužnice u sticaju sa krivičnim djelom „Krivotvorenje isprave „ iz člana 373. stav 2. KZ F BiH opisano pod tačkom 2. optužnice a sve u vezi sa članom 54. KZ FBiH.

KANTONALNA TUŽITELJICA

Poštovani predstavnici medija, molimo Vas da prilikom prenošenja vijesti imate u vidu da osobe, na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom.